

## INDEX GENERALIS

Approbatio S. Rituum Congregationis . . . . .	(3)
Bullæ Summorum Pontificum . . . . .	(5)
Motu proprio Ioannis Papæ XXIII . . . . .	(8)
Decretum generale S. Congregationis Rituum . . . . .	(9)
Rubricæ generales . . . . .	(10)
De anno et eius partibus . . . . .	(33)
Calendarium . . . . .	(40)
Ritus servandus in celebratione Missæ . . . . .	(46)
De defectibus in celebratione Missarum occurrentibus . . . . .	(56)
Præparatio ad Missam . . . . .	(59)
Proprium de Tempore . . . . .	1
Ordo Missæ . . . . .	349
Præfationes . . . . .	357
Canon Missæ . . . . .	437
Proprium Sanctorum . . . . .	455
Tabula orationum . . . . .	797
Commune Sanctorum . . . . .	[1]
Missæ votivæ . . . . .	[56]
Missæ defunctorum . . . . .	[131]
Proprium Sanctorum pro aliquibus locis . . . . .	[155]
Commune Sanctorum pro aliquibus locis . . . . .	[242]
Ordo ad faciendam et aspergendam aquam benedictam . . . . .	[254]
Cantus ad libitum . . . . .	[257]

# MISSÆ PROPRIÆ

## DIOECESIS EYSTETTENSIS

Die 5 Decembris

S. SOLÆ CONFESSORIS  
PATRONI MINUS PRINCIP.  
DIOECESIS

*Duplex majus*

*Missa Os justi, de Communi Conf.  
non Pont. 1 loco, præter Orationes  
sequentes:*

*Oratio*

**O**MNIPOTENS sempitèr-  
ne Deus, in cujus honore  
òmnium Sanctòrum fe-  
sta celebrántur: ánnue  
deprecatiònibus nostris; ut in hac  
celebritáte sancti Solæ Confessoris  
tui, ipso intercedente, mereámur,  
de tuæ pietátis abundántia gratu-  
lári. Per Dóminum nostrum.

*Et, post Commemorationem Fe-  
riæ, fit Commemoratio S. Sabbæ  
Abbatis:*

*Oratio*

**I**ntercéssio nos, quæsumus, Dó-  
mine, beáti Sabbæ Abbátis  
comméndet: ut, quod nostris méri-  
tis non valémus, ejus patrocínio  
assequámur. Per Dóminum.

*Secreta*

**A**ccépta tibi sit, Dómine, nostræ  
devotiònis oblátio: et ad sanc-  
ti Solæ Confessoris tui puriòres fá-  
ciat veníre festivitátem. Per Dómi-  
num nostrum.

*Pro S. Sabba*

*Secreta*

**S**acris altáribus, Dómine, hó-  
stias superpósitas sanctus  
Sabbas, quæsumus, in salútem no-  
bis provenire depóscat. Per Dó-  
minum nostrum.

*Postcommunio*

**B**eáti Confessoris tui Solæ, Dó-  
mine, suffrágiis exorátus: per-  
cépta nos Sacraménti tui virtúte  
defénde. Per Dóminum nostrum.

*Pro S. Sabba*

*Postcommunio*

**P**rótegat nos, Dómine, cum tui  
perceptiòne sacraménti beá-  
tus Sabbas, pro nobis intercedén-  
do: ut et conversatiònis ejus expe-  
riámur insígnia, et intercessiònis  
percipiámus suffrágia. Per Dómi-  
num nostrum.

Die 18 Decembris

S. WUNIBALDI CONF.  
PATRONI MINUS PRINCIP.  
DIOECESIS

*Duplex majus*

*Introitus Ps. 36, 30-31*

**O**S justi meditábitur sapién-  
tiam, et lingua ejus loquétur  
judícium: lex Dei ejus  
in corde ipsíus. *Ps. ibid., 1* Noli  
æmulári in malignántibus: neque  
zeláveris faciéntes iniquitátem.

*℣. Glória Patri.*

## Oratio

**D**eus, qui hodiernam diem beati Wunibaldi Confessoris tui migratione consecrasti: concede, quaesumus; ut, cujus annuam celebritatem devotis veneramur obsequiis, ejus suffragiis pietatis tuae gratiam consequamur. Per Dominum nostrum.

## Et fit Commemoratio Ferae.

Lectio libri Sapientiae

Eccli. 31, 8-11

**B**eatus vir, qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria aeterna: qui potuit transgredi, et non est transgressus: facere mala, et non fecit: ideo stabilita sunt bona illius in Domino, et eleemosynas illius enarrabit omnis ecclesia sanctorum.

**Graduale Ps. 91, 13 et 14** Justus ut palma florabit: sicut cedrus Libani multiplicabitur in domo Domini. **V. Ibid., 3** Ad annuntiandum mane misericordiam tuam, et veritatem tuam per noctem.

Alleluya, alleluya. **V. Jac. 1, 12** Beatus vir, qui suffert tentationem: quoniam, cum probatus fuerit, accipiet coronam vitae. Alleluya.

**†** Sequentia sancti Evangelii secundum Matthaeum

Matth. 19, 27-29

**I**n illo tempore: Dixit Petrus ad Jesum: Ecce, nos reliquimus omnia, et secuti sumus te: quid ergo

erit nobis? Jesus autem dixit illis: Amen, dico vobis, quod vos, qui secuti estis me, in regeneratione, cum sederit Filius hominis in sede maiestatis suae, sedebitis et vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

**Offertorium Ps. 88, 25** Veritas mea et misericordia mea cum ipso: et in nomine meo exaltabitur cornu ejus.

## Secreta

**S**ancti Wunibaldi Confessoris tui, Domine, annua sollemnitas pietati tuae nos reddat acceptos: ut, per haec piae oblationis officia, et illum beata retributio comitetur, et nobis gratiae tuae dona conciliet. Per Dominum nostrum.

## Et fit Commemoratio Ferae.

**Communio Matth. 24, 46-47** Beatus servus, quem, cum venerit dominus, invenerit vigilantem: amen, dico vobis, super omnia bona sua constituet eum.

## Postcommunio

**P**opulum tuum, quaesumus, Domine, pio favore prosequere: et a cunctis adversitatibus, beato Wunibaldo Confessore tuo intercedente, custodi. Per Dominum nostrum Jesum Christum, Filium tuum: Qui tecum vivit et regnat in unitate Spiritus Sancti Deus.

## Et fit Commemoratio Ferae.

Die 7 Februarii

S. RICHARDI CONFESSORIS  
PATRONI MINUS PRINCIP.  
DIECESIS

Duplex majus

Missæ Os justi, de Communi Conf.  
non Pont. 1 loco, præter Orationes  
sequentes:

Oratio

**D**eus, cujus grátia beátus Ri-  
chárdus Rex temporálem dig-  
nitátem in ætéram sublimitátem  
mutávit: da nobis, quæsumus, ex  
ejus imitatione próspéra mundi  
despícere; et cæléstium bonórum  
semper participatione gaudere. Per  
Dóminum nostrum.

Et fit Com. S. Romualdi Abbatis:

Oratio

**I**ntercéssio nos, quæsumus, Dó-  
mine, beáti Romuáldi Abbátis  
comméndet: ut, quod nostris méri-  
tis non valémus, ejus patrocínio  
assequámur. (Per Dóminum.)

Deinde, in Quadragesima, Com-  
memoratio Feriæ in Missis non  
conventualibus, et legitur ejus Ev-  
angelium in fine.

Secreta

**H**óstias, Dómine, quas nómini  
tuo sacrádas offérimus,  
sancti Richárdi Confessóris tui pro-  
sequátur orátio: per quam nos ex-  
piári tríbuas et deféndi. Per Dñm.

Pro S. Romualdo Secreta

**S**acris altáribus, Dómine, hó-  
stias superpósitas sanctus Ro-  
muáldus Abbas, quæsumus, in sa-  
lútem nobis provenire depóscat.  
(Per Dóminum nostrum.)

Postcommunio

**R**efécti, Dómine, benedictióne  
cælésti, quæsumus clemén-  
tiam tuam: ut, intercedente beáto  
Richádo Confessóre tuo; quæ hu-  
míliter gérimus, salúbriter sentiá-  
mus. Per Dóminum nostrum.

Pro S. Romualdo Postcommunio

**P**rótegat nos, Dómine, cum tui  
perceptióne sacraménti beá-  
tus Romuáldus Abbas, pro nobis  
intercedendo: ut et conversatiónis  
ejus experiámur insígnia, et inter-  
cessiósni percipiámus suffrágia.  
(Per Dóminum nostrum.)

¶ Missæ dici possunt etiam de S.  
Romualdo Abbate, cum Comme-  
moratione S. Richardi. Eodem mo-  
do de omnibus Festis Duplicibus  
majoribus vel minoribus aut Semi-  
duplicibus, quæ perpetuo vel acci-  
dentaliter impediuntur, dici possunt  
Missæ etiam privatæ ad libitum  
Sacerdotis, servatis Rubricis.

Die 25 Februarii

(in anno bissextili 26)

S. WALBURGÆ VIRGINIS  
PATRONÆ MINUS PRINCIP.  
DIECESIS

Duplex II classis

Introitus Jer. 11, 16

**O**LIVAM úberem, pulchram,  
fructíferam, speciósam vo-  
cávit Dóminus nomen tu-  
um: ad vocem loquélæ, grandis ex-  
ársit ignis in ea. (T. P. Allelúja, al-  
lelúja.) Ps. 44, 2 Eructávit cor me-  
um verbum bonum: dico ego ópera  
mea Regi.

V. Glória Patri.

## Oratio

**D**eus, qui inter innúmera grátiae tuæ dona étiam in sexu femíneo tua operáris magnália: concéde propítius; ut beátæ Walbúrgæ Virgínis tuæ apud misericórdiam tuam patrocínia sentiámus, cujus non solum castitátis illustrámur exémpis, verum étiam miraculórum glória jucundámur. Per Dóminum nostrum.

**Et, in Quadragesima, fit Commemoratio Feriæ in Missis non conventualibus.**

Lectio libri Sapiéntiæ

Cant. 2, 1-8

**E**go flos campi et lílium convál-  
lium. Sicut lílium inter spinas,  
sic amica mea inter filias. Sicut  
malus inter ligna silvárum, sic di-  
léctus meus inter filios. Sub umbra  
illius, quem desideráveram, sedi:  
et fructus ejus dulcis gútturi meo.  
Introdúxit me in cellam vináriam,  
ordinávit in me caritátem. Fulcíte  
me flóribus, stipáte me malis: quia  
amóre lángueo. Læva ejus sub cá-  
pite meo, et déxtera illius amplexá-  
bitur me. Adjúro vos, filiæ Jerúsa-  
lem, per cápreas cervósque campó-  
rum, ne suscitétis neque evigiláre  
faciátis diléctam, quoadúsque ip-  
sa velit.

**Graduale Ps. 111, 2-4** Potens in  
terra erit semen ejus: generátio rec-  
tórum benedicétur. **V.** Glória et di-  
vítiae in domo ejus: et justítia ejus  
manet in sæculum sæculi.

Allelúja, allelúja. **V. Ezech. 47,  
12** Aquæ ejus de sanctuário egre-  
diéntur; et erunt fructus ejus ad  
medicínam. Allelúja.

**Post Septuagesimam, omissis Al-  
lelúja et Versu sequenti, dicitur**

**Tractus Ps. 44, 11, 13 et 15-16**  
Audi, filia, et vide et inclina aurem  
tuam: quia concupívit Rex spé-  
ciem tuam. **V.** Vultum tuum de-  
precabúntur omnes dívites plebis:  
filiæ regum in honóre tuo. **V.** Ad-  
ducéntur Regi Virgines post eam:  
próximæ ejus afferéntur tibi. **V.**  
Afferéntur in lætítia et exsultatió-  
ne: adducéntur in templum Regis.

**In Missis votivis Tempore Pas-  
chali dicitur:**

Allelúja, allelúja. **V. Ps. 44, 15-16  
et 5** Adducéntur Regi Virgines post  
eam: próximæ ejus afferéntur tibi  
in lætítia. Allelúja. **V.** Spécie tua, et  
pulchritúdine tua inténde, próspe-  
re procéde et regna. Allelúja.

**✠** Sequéntia sancti Evangélii se-  
cúndum Matthæum

**Matth. 25, 1-13**

**I**n illo témpore: Dixit Jesus disci-  
pulis suis parábolam hanc: Si-  
mile erit regnum cælórum decem  
virgínibus: quæ, accipiéntes lám-  
pades suas, exiérunt óbviám spon-  
so et sponsæ. Quinque autem ex  
eis erant fátuæ, et quinque pru-  
déntes: sed quinque fátuæ, accép-  
tis lampádibus, non sumpsérunt  
óleum secum: prudéntes vero ac-  
cepérunt óleum in vasis suis cum  
lampádibus. Moram autem facién-  
te sponso, dormitavérunt omnes,  
et dormiérunt. Média autem nocte  
clamor factus est: Ecce, sponsus  
venit, exíte óbviám ei. Tunc surre-  
xérunt omnes virgines illæ, et orna-  
vérunt lámpades suas. Fátuæ au-

tem sapiéntibus dixerunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuā. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigilate itaque, quia nescitis diem neque horam.

*Et in Ecclesiis propriis tantum dicitur Credo.*

*Offertorium Ps. 44, 11* Audi, filia, et vide et inclina aurem tuam: et obliviscere pópulum, tuum et domum patris tui. (T. P. Allelúja.)

### Secreta

**H**as hóstias, Dómine, supérna benedictióne sanctifica: et, intercedénte sancta Walbúrga Virgine tua, eódem nos igne succénde; qui ipsius cor ad te diligéndum júgiter inflammávit. Per Dóminum.

*Et, in Quadragesima, fit Commemoratio Feriæ in Missis non conventualibus.*

*Communio Job 28, 10 et 29, 6* In petris rivos excidit et omne pretiosum vidit óculus ejus. Et petra fundébat mihi rivos ólei. (T. P. Allelúja.)

### Postcommunio

**B**enedictiónis tuæ, Dómine, grátiam, intercedénte beáta Walbúrga Virgine, cónsequi mereámur:

ut, cujus venerándam celebrámus festivitátem; ejus in cunctis necessitatibus nostris auxiliá sentiamus. Per Dóminum nostrum.

*Et, in Quadragesima, fit Commemoratio Feriæ in Missis non conventualibus, ac legitur ejus Evangelium in fine.*

Die 15 Martii

S. CLEMENTIS MARIE HOFBAUER CONFESSORIS

Duplex majus

*Missa Justus, de Communi Conf. non Pontificis 2 loco, præter Orationes sequentes:*

Oratio

**D**eus, qui beátum Cleméntem Mariam miro fidei róbre et invictæ constántiæ virtúte decorásti: ejus méritis et exémpis fac nos, quæsumus, ita fortes in fide et caritáte fervéntes; ut præmia consequámur æténa. Per Dóminum nostrum.

*Et fit Commemoratio Feriæ ac legitur ejus Evangelium in fine.*

Secreta

**I**lle nos, quæsumus, Dómine, devotiónis ignis accéndat; quo beátus Clemens María, dum salutárem offérret hóstiam, júgiter flagrávit. Per Dóminum nostrum.

Postcommunio

**C**ælésti pane reféctis concéde nobis, omnipotens Deus: ut beáti Cleméntis exémplo, in fortitúdine cibi illius usque ad montem, qui Christus est, feliciter perveniámus: Qui tecum vivit.

Die 21 Aprilis

S. CONRADI A PARZHAM  
CONFESSORIS

Duplex

Missa Os justi, de Communi Confessoris non Pontificis 1 loco, præter Orationes sequentes:

Oratio

**D**eus, qui misericordiæ tuæ januam fidelibus patere voluisti: te supplices exoramus; ut, intercedente beato Conrado Confessore tuo, temporalia subsidia nobis tribuas et æterna. Per Dñm.

Et fit Commemoratio S. Anselmi Ep. et Doct.:

Oratio

**D**eus, qui pòpulo tuo æternæ salutis beatum Anselmum ministrum tribuisti: præsta, quæsumus; ut, quem Doctorem vitæ habuimus in terris, intercessorem habere mereamur in cælis. Per Dñm nostrum.

Credo, ratione Commemorationis S. Doctoris.

Secreta

**O**blationes nostras tibi, Dñm, quæsumus, beati Conradi intercessio veneranda commendet: quem coram tuis altaribus precantem supernorum charismatum dulcedine recreasti. Per Dñm.

Pro S. Anselmo Secreta

**S**ancti Anselmi Pontificis tui atque Doctõris nobis, Dñm, pia non desit oratio: quæ et mûnera nostra conciliet; et tuam nobis indulgentiam semper obtineat. Per Dñm nostrum.

Postcommunio

**S**ûmpsimus, Dñm, tua sancta, beati Conradi mèrita recolentes: præsta, quæsumus; ut ejus semper et præclaro proficiamus exèmplo et fideli muniàmur auxilio. Per Dñm nostrum.

Pro S. Anselmo Postcommunio

**U**t nobis, Dñm, tua sacrificia dent salutem: beatus Anselmus Põntifex tuus et Doctor egregius, quæsumus, precator accedat. Per Dñm nostrum.

Die 27 Aprilis

S. PETRI CANISII  
CONF. ET ECCL. DOCT.

Duplex II classis

Introitus Eccli. 15, 5

**I**N medio Ecclesiæ aperuit os ejus: et implèvit eum Dñm spiritu sapiëntiæ et intellèctus: stolam glóriæ induit eum, allelûja, allelûja. Ps. 91, 2 Bonum est confitèri Dño: et psallere nòmini tuo, Altissime. V. Glória Patri.

Oratio

**D**eus, qui ad tuendam cathòlicam fidem beatum Petrum Confessorem tuum virtute et doctrina roborasti: concède propitius; ut ejus exèmpulis et mònitis errantes ad salutem resipiscant, et fideles in veritatis confessione perseverent. Per Dñm nostrum.

Lectio Epistolæ beati Pauli Apòstoli ad Timòtheum 2Tim. 4, 1-8

**C**arissime: Testificor coram Deo, et Jesu Christo, qui judicaturus est vivos et mòrtuos, per

advéntum ipsius et regnum ejus: prædica verbum, insta opportúne, importúne: árgue, óbsecra, increpa in omni patiéntia, et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magistros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Allelúja, allelúja. **V. Ps. 118, 46** Loquébar de testimóniis tuis in conspéctu regum, et non confundébar. Allelúja. **V. 1 Cor. 9, 22** Omnia ómnibus factus sum, ut omnes fácerem salvos. Allelúja.

**In Missis vòtivis per annum dicitur**

**Graduale Ps. 118, 129-130** Mirabilia testimónia tua, Dómine, ídeo scrutáta est ea ánima mea. **V.** Declarátio sermónum tuórum illúminat et intelléctum dat párvulis.

Allelúja, allelúja. **V. Ps. 108, 30** Confitébor Dómino nimis in ore meo: et in médio multórum laudábo eum. Allelúja.

**Post Septuagesimam, omissis Allelúja et Versu sequenti, dicitur**

**Tractus Ps. 118, 104, 105 et 158**

A mandátis tuis intelléxi, proptér-ea odívi omnem viam iniquitátis. **V.** Lucérna pédibus meis verbum tuum, et lumen sémitis meis. **V.** Vidi prævaricántes et tabescébam, quia elóquia tua non custodiérunt.

**✠** Sequéntia sancti Evangélii secúndum Matthæum

**Matth. 5, 13-19**

**I**n illo témpore: Dixit Jesus discípulis suis: Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvete legem aut prophétas: non veni sólvete, sed adimplére. Amen, quippe dico vobis, donec tránseat cælum et terra, jota unum aut unus apex non præteríbit a lege, donec ómnia fiant. Qui ergo sólverit unum de mandátis istis minimis, et docúerit sic hómines, minimus vocábitur in regno cælórum: qui autem fécerit et docúerit, hic magnus vocábitur in regno cælórum.

**Credo.**

**Offertorium Ps. 33, 12** Veníte, filii, audíte me: timórem Dómini docébo vos, allelúja.



**Secreta**

**S**anctifica, miséricors Deus, hæc múnera tibi oblata, et Ecclésiæ tuæ, beáto Petro intercedente, unitátis et pacis propítius dona concède. Per Dóminum nostrum.

**Communio** *Is. 12, 3* Hauriétis aquas in gáudio de fóntibus Salvatóris, allelúja.

**Postcommunio**

**S**acrificium, Dómine, quod in honórem beáti Petri Confessoris tui atque Doctóris obtúlimus: fidem nostram, spem et caritátem áugeat, et Ecclésiám tuam nova semper prole lætíficet. Per Dóminum nostrum.

Sabbato primo mensis Maji

IN SOLEMNITATE B. M. V.  
PATRONÆ BAVARIÆ

**Duplex I classis**

☞ **Extra Tempus Paschale** omituntur Allelúja ad Introitum, Offertorium et Communionem.

**Introitus**

**G**AUDEAMUS omnes in Dómino, Patrocínium celebrántes gloriósæ Virgínis Mariæ, de cujus solemnitate gaudent Angeli et colláudant Fílium Dei, allelúja, allelúja. *Ps. 43, 2* Deus, áuribus nostris audivimus: patres nostri annuntiavérunt nobis. **V.** Glória Patri.

**Oratio**

**D**eus, qui dilécti Fílii tui Genitricem nobis Matrem ac Patrónam dare dignátus es: concède propítius; ut sub hujus Matris tuté-

la ab omni hóstium defendámur incúrsu, et sine timóre in sanctitate et justitia tibi serviámus. Per eúndem Dóminum nostrum.

Léctio libri Apocalýpsis beáti Joánnis Apóstoli

*Apoc. 12, 1, 5, 10 et 17*

**S**ignum magnum appáruit in cælo: múlier amícta sole et luna sub pédibus ejus et in cápíte ejus coróna stellárum duódecim. Et peperit filium másculum, qui recturus erat omnes gentes in virga férrea, et raptus est fílius ejus ad Deum et ad thronum ejus. Et audivi vocem magnam in cælo dicentem: Nunc facta est salus et virtus et regnum Dei nostri et potéstas Christi ejus, quia projectus est accusátor fratrum nostrórum, qui accusábat illos ante conspéctum Dei nostri die ac nocte. Et irátus est draco in mulierem et ábiit fácere prælium cum réliquis de sémine ejus, qui custódiunt mandáta Dei et habent testimónium Jesu Christi.

Allelúja, allelúja. **V. Num. 17, 8** Virga Jesse flóruit: Virgo Deum et hóminem génuít: pacem Deus réddidit, in se reconcilians ima summis. Allelúja. **V. Luc. 1, 28** Ave, María, grátia plena; Dóminus tecum: benedícta tu in muliéribus. Allelúja.

**Extra Tempus Paschale**

**Graduale Cant. 6, 3 et 9** Tota formósa et suávis es, filia Sion; pulchra ut luna, elécta ut sol, terríbilis ut castrórum ácies ordináta. **V. Judith 13, 22** Benedíxit te Dóminus in virtúte sua, quia per te ad nihilum redégit inimícos nostros.

Allelúja, allelúja. **V. Luc. 1, 28** Ave, María, grátia plena; Dóminus tecum: benedícta tu in muliéribus. Allelúja.

**In Missis votivis post Septuagesimam, omissis Allelúja et Versu sequenti, dicitur**

**Tractus Ps. 44, 11 et 12** Audi, filia, et vide, et inclína aurem tuam: quia concupívit Rex spéciem tuam. **V. Ib., 13 et 10** Vultum tuum deprecabúntur omnes dívites plebis: filia regum in honóre tuo. **V. Ib., 15-16** Adducéntur Regi vírgines post eam: próximæ ejus afferéntur tibi. **V.** Afferéntur in lætítia et exsultatióne: adducéntur in templum Regis.

**✠** Sequéntia sancti Evangélii secúndum Joánnem

**Joann. 2, 1-11**

**I**n illo témpore: Núptiæ factæ sunt in Cana Galilææ: et erat Mater Jesu ibi. Vocátus est autem et Jesus, et discípli ejus ad núptias. Et deficiente vino, dicit Mater Jesu ad eum: Vinum non habent. Et dicit ei Jesus: Quid mihi et tibi est, múlier? nondum venit hora mea. Dicit Mater ejus ministris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatiónem Judæórum, capiéntes singulæ metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclino. Et tulerunt. Ut autem gustávit architriclinus aquam vinum factam, et non sciébat unde esset, ministri autem

sciébant, qui háuserant aquam: vocat sponsum architriclinus, et dicit ei: Omnis homo primum bonum vinum ponit: et cum inebriáti fuerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Jesus in Cana Galilææ: et manifestávit glóriam suam, et crediderunt in eum discípli ejus. **Credo.**

**Offertorium Jerem. 18, 20** Recordáre, Virgo Mater, in conspéctu Dei, ut loquáris pro nobis bona, et ut avértat indignatióne[m] suam a nobis, allelúja.

**Secreta**

**P**ræsta, quæsumus, omnipotens Deus: ut, précibus beátæ Mariæ semper Vírginis, cujus Patrocínio gloriámur, fídeles tui hóstiam salutárem tibi fervéntius offerant, et consequántur efféctum. Per Dóminum nostrum.

**Præfatio de B. Maria Virg.** Et te in Festivitate.

**Communio Cant. 2, 3** Sub umbra illius, quem desideráveram, sedi, et fructus ejus dulcis gútturi meo, allelúja.

**Postcommunio**

**C**æléstibus pasti delíciis, te súplices deprecámur, Dómine, Deus noster: ut, beáta María semper Vírgine protegente, ab erróribus sæculi carnisque illécebris serváti, et in fide inveniámur stábiles et in ópere effícales. Per Dóminum nostrum.

**✠ In Missis votivis dicitur Introitus Salve, de Comuni Festorum B. Mariæ Virg.**

Die 1 Maji  
 CANONISATIONIS  
 S. WALBURGÆ VIRGINIS  
 COMMEMORATIO

(In Missis privatis lectis tantum)

Oratio

**D**eus, qui inter innúmera grátiae tuæ dona, étiam in sexu femíneo tua operáris magnália: concéde propítius; ut beátæ Walbúrgæ Virgínis tuæ apud misericórdiam tuam patrocínia sentiámus, cujus non solum castitátis illustrámur exémplis, verum étiam miraculórum glória jucundámur. Per Dóminum.

Secreta

**S**acrificium oblátum, quæsumus, Dómine, beátæ Walbúrgæ Virgínis tuæ orátio, majestáti tuæ reddat accéptum; pro cujus veneránda commemoratióne tibi devóto offératur obséquo. Per Dóminum.

Postcommunio

**B**enedictiónis tuæ, Dómine, grátiam, intercedénte beáta Walbúrga Virgíne tua, cónsequi mereámur: ut, cujus venerándam glóriam prædicámus, ejus in ómnibus nostris necessitátibus auxiliúm sentiámus. Per Dóminum nostrum.

Die 16 Maji  
 S. JOANNIS NEPOMUCENI  
 MARTYRIS

Duplex majus

Introitus Ps. 63, 3

**P**ROTEXISTI me, Deus, a convéntu malignántium, allelúja: a multitúdine operántium iniquitátem, allelúja, allelúja.

Ps. *ibid.*, 2 Exáudi, Deus, oratió-nem meam, cum déprecor: a timóre inimíci éripe ánimam meam.

∇. Glória Patri.

Oratio

**D**eus, qui ob invíctum beáti Joánnis sacramentále siléntium nova Ecclésiám tuam martýrii coróná decorásti: da nobis, ejus intercessiÓne et exémpló, linguam caute custodíre; ac ómnia pótius mala quam ánimæ detriméntum in hoc sæculo toleráre. Per Dóminum.

Et fit Commemoratio S. Ubaldí Ep. et Conf.:

Oratio

**A**uxiliúm tuum nobis, Dómine, quæsumus, placátus impénde: et, intercessiÓne beáti Ubaldí Confessóris tui atque Pontíficis, contra omnes diabóli nequítias déxteram super nos tuæ propitiatiÓnis exténde. Per Dóminum nostrum.

Léctio libri Sapiéntiæ

Sap. 5, 1-5

**S**tabunt justí in magna constántia advérsus eos, qui se angustiavérunt et qui abstulérunt labóres eórum. Vidéntes turbabúntur timóre horribíli, et mirabúntur in subitatiÓne insperátæ salútis, dicéntes intra se, pœniténtiam agéntes, et præ angústia spíritus geméntes: Hi sunt, quos habúimus ali-quándo in derísam et in similitú-dinem improperii. Nos insensáti vitam illórum æstimabámus insániam, et finem illórum sine honóre: ecce, quómo-do computáti sunt inter filios Dei, et inter Sanctos sors illórum est.

Allelúja, allelúja. **V. Ps. 88, 6** Confitebúntur cæli mirabilia tua, Dómine: étenim veritátem tuam in ecclésia sanctórum. Allelúja. **V. Ps. 20, 4** Posuísti, Dómine, super caput ejus corónam de lápide pretiósó. Allelúja.

**✠** Sequéntia sancti Evangélii secúndum Matthæum  
**Matth. 10, 26-32**

**I**n illo témpore: Dixit Jesus discipulis suis: Nihil est opértum, quod non revelábitur; et occúltum, quod non sciétur. Quod dico vobis in ténebris, dicite in lúmíne: et quod in aure audítis, prædicáte super tecta. Et nolite timére eos, qui occidunt corpus, ánimam autem non possunt occidere; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro? Vestri autem capílli cápitis omnes numeráti sunt. Nolite ergo timére: multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cælis est.

**Offertorium Ps. 88, 6** Confitebúntur cæli mirabilia tua, Dómine: et veritátem tuam in ecclésia sanctórum, allelúja, allelúja.

### Secreta

**H**æc tua, Dómine, sacra mystéria illum in nobis, quæsumus, ignem accéndant: quo inclytus Martyr et Sacérdos tuus Joánes, ea peragéndo, flagrâbat. Per Dóminum nostrum.

### Pro S. Ubaldo

### Secreta

**S**ancti tui, quæsumus, Dómine, nos ubíque lætificent: ut, dum eórum mérita recólimus, patrocínia sentiámus. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus.

**Communio Ps. 63, 11** Lætábitur justus in Dómino, et sperábit in eo: et laudabúntur omnes recti corde, allelúja, allelúja.

### Postcommunio

**F**ragilitátem nostram, Dómine, cæléstis hæc mensa fórtium pane confímet: qui beáti Mártyris et Sacerdótis tui Joánnis tentátam contra honórem Sacraménti constántiam júgiter áluit ad victóriam. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus.

### Pro S. Ubaldo Postcommunio

**P**ræsta, quæsumus, omnipotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, benefícia potióra sumámus. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum.

**R.** Amen.

**¶ Pro votiva extra Tempus Paschale dicitur Missa Lætábitur, de Comuni unius Martyris 4 loco, præter Orationes ut supra.**

Feria II

post Festum Ssm̃æ Trinitatis

IN TRANSLATIONE  
S. WILLIBALDI EP. ET CONF.

Duplex majus

Introitus Eccli. 45, 30

**S**TATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis ejus.

V. Glória Patri.

Oratio

**D**a, quæsumus, omnipotens Deus: ut beáti Willibáldi Confessoris tui atque Pontificis veneránda translatiónis solémnitas; et devotióne nobis áugeat et salutem. Per Dóminum nostrum Jesum Christum, Fílium tuum: Qui tecum vivit et regnat.

Léctio libri Sapiéntiæ

Eccli. 44, 16-27 et 45, 3-20

**E**cce sacérdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátió. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. BenedictiÓNem ómnium géntium dedit illi, et testaméntum suum confirmávit super caput ejus. Agnóvit eum in benedictiÓNibus suis: conservávit illi misericórdiam suam: et invénit grátiam coram óculis Dómini. Magnificávit eum in con-

spéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsius, et offérre illi incénsus dignum in odórem suavitátis.

**Graduale Eccli. 44, 16** Ecce sacérdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúja, allelúja. **V. Ps. 109, 4** Tu es sacérdos in ætérnum, secúndum órduem Melchisedech. Allelúja.

**†** Sequéntia sancti Evangélii secúndum Matthæum

Matth. 19, 27-29

**I**n illo témpore: Dixit Petrus ad Jesum: Ecce, nos reliquimus ómnia, et secúti sumus te: quid ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicátes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Credo.

**Offertorium Ps. 88, 25** Véritas mea et misericórdia mea cum ipso: et in nómine meo exaltábitur cornu ejus.

**Secreta**

**S**uscípiat cleméntia tua, quæsumus, Dómine, de mánibus nostris munus oblátum: et, per beáti Willibáldi Confessoris tui atque Pontificis oratiónes, ab ómnibus nos mundet peccátis. Per Dóminum.

**Communio Matth. 19, 28 et 29**  
Amen, dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

**Postcommunio**

**D**ivína, Dómine, libántes mystéria, quæ in beáti Willibáldi Confessoris tui atque Pontificis veneratióne tuæ obtúlimus majestáti: quæsumus; ut per ea véniam percípere mereámur peccatórum, et cæléstis grátiae donis reficiámur. Per Dóminum nostrum.

Die 31 Maji

**B. MARLÆ VIRG. OMNIUM  
GRATIARUM MEDIATRICIS**

**Duplex majus**

**Missa Adeámus, ut in Proprio  
Sanctorum pro aliquibus locis.**

**Et fit Commemoratio S. Angelæ  
Mericiæ Virg. et S. Petronillæ  
Virg., ut in Missali hac die.**

Die 5 Junii

**S. BONIFATII  
EPISCOPI ET MARTYRIS**

**Duplex II classis**

**Missa Exsultábo, ut in Missali  
hac die.**

Die 16 Junii

**S. BENNONIS EP. ET CONF.**

**Duplex majus**

**Missa Státuit, de Communi Con-  
fessoris Pontificis 1 loco, præter  
Orationes sequentes:**

**Oratio**

**D**eus, qui nos beáti Bennónis Pontificis confessiône gloriósa circúmdas et prótegis: da nobis, ex ejus imitatióne proficere, et intercessiône gaudere. Per Dóminum nostrum.

**Secreta**

**S**anctus tuus, quæsumus, Dómine, Benno Confessor et Póntifex nos ubique lætificet: ut, dum ejus recólimus mérita gloriósa, apud te semper ejus patrocínia sentiámus. Per Dóminum nostrum.

**Postcommunio**

**Q**uæsumus, Dómine, salutáribus repléti mystériis: ut sancti tui Bennónis Confessoris et Pontificis, cujus solémnia celebrámus; étiam intercessiône adjuvémur. Per Dóminum nostrum.

Die 3 Julii

**S. OTTONIS EP. ET CONF.**

**Duplex****Introitus Eccli. 45, 30**

**S**TATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum. **Ps. 131, 1**  
**Meménto, Dómine, David: et omnis mansuetúdinis ejus.**

**V. Glória Patri.**

**Oratio**

**D**a, quæsumus, omnipotens Deus: ut beáti Ottónis Confessoris tui atque Pontíficis veneranda solémnitas, et devotióem nobis áugeat et salútem. Per Dóminum.

**Et fit Commemoratio S. Leonis II Papæ et Conf.:**

**Oratio**

**D**eus, qui beátum Leónem Pontíficem Sanctórum tuórum méritis coæquásti: concéde propítius; ut, qui commemoratiónis ejus festa percólimus, vitæ quoque imitémur exépla. (Per Dóminum.)

**Deinde Commemoratio Octavæ Ss. Petri et Pauli Apostolorum:**

**Oratio**

**D**eus, qui hodiérnam diem Apostolórum tuórum Petri et Pauli martýrio consecrásti: da Ecclésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum nostrum.

Léctio libri Sapiéntiæ

**Eccli. 44, 16-27; 45, 3-20**

**E**cce sacérdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátió. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiόnem ómnium géntium dedit illi, et testaméntum suum confirmávit super caput ejus. Agnóvit eum in benedictiόnibus suis: conservávit illi misericórdiam suam: et invenit grátiam coram óculis Dómini. Magni-

ficávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus, et offérre illi incénsus dignum in odórem suavitátis.

**Graduale Eccli. 44, 16** Ecce sacérdos magnus, qui in diébus suis plácuít Deo. **V. Ibid., 20** Non est invéntus símilis illi, qui conserváret legem Excélsi.

Allelúja, allelúja. **V. Ps. 109, 4** Tu es sacérdos in ætérnum, secundum órđinem Melchisedech. Allelúja.

**✠** Sequéntia sancti Evangélii secundum Lucam **11, 33-36**

**I**n illo témpore: Dixit Jesus discípulis suis: Nemo lucérnam accéndit, et in abscondito ponit, neque sub módio: sed supra candelábrum, ut, qui ingrediúntur, lumen videant. Lucérna córporis tui est óculus tuus. Si óculus tuus fúerit simplex, totum corpus tuum lúcidum erit: si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebræ sint. Si ergo corpus tuum totum lúcidum fúerit, non habens áliquam partem tenebrárum, erit lúcidum totum, et sicut lucérna fulgóris illuminábit te.

**Credo, ratione Octavæ.**

**Offertorium Ps. 88, 21-22** Inveni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

**Secreta**

**S**ancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum.

**Pro S. Leone****Secreta**

**A**nnue nobis, quæsumus, Dómine, ut intercessióne beáti Leonis hæc nobis prosit oblátio: quam immolándo, totíus mundi tribuísti relaxári delicta. (Per Dóminum.)

**Pro Octava Ss. Apostolorum****Secreta**

**H**óstias, Dómine, quas nómini tuo sacrádas offérimus, apostólica prosequátur orátio: per quam nos expiári tríbuas et deféndi. Per Dóminum nostrum.

**Præfatio de Apostolis, ratione Octavæ.**

**Communio** **Luc. 12, 42** Fidélis servus et prudens, quem constituit dóminus super familiam suam: ut det illis in témpore trítici mensúram.

**Postcommunio**

**P**ræsta, quæsumus, omnipotens Deus: ut, de percéptis munéribus grátias exhibéntes, intercedénte beáto Ottóne Confessóre tuo atque Pontífice, beneficia potióra sumámus. Per Dóminum nostrum.

**Pro S. Leone****Postcommunio**

**D**eus, qui ánimæ fámuli tui Leonis ætérnæ beatitúdinis præmia contulísti: concéde propítius; ut, qui peccatórum nostrórum pón-dere prémimur, ejus apud te préci-bus sublevémur. (Per Dóminum.)

**Pro Octava Ss. Apostolorum****Postcommunio**

**Q**uos cælésti, Dómine, aliménto satiásti: apostólicis intercessiónibus ab omni adversitáte custódi. Per Dóminum nostrum.

**In fine legitur sequens Evangelium de Octava:**

**✠** Sequéntia sancti Evangélii secúndum Matthæum

**Matth. 19, 27-29**

**I**n illo témpore: Dixit Petrus ad Jesum: Ecce, nos reliquimus ómnia, et secúti sumus te: quid ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cén-tuplum accípiet, et vitam ætérnam possidébit.

Die 4 Julii

S. UDALRICI EP. ET CONF.

**Duplex**

**Missa Státuit, de Comuni Confessoris Pontificis 1 loco, præter Orationem sequentem:**

**Oratio**

**D**eus, qui cónspicis, quia ex nulla nostra virtúte subsístimus: concéde propítius; ut, intercessióne beáti Udalrici Confessoris tui atque Pontíficis, contra ómnia advér-sa muniámur. Per Dóminum.



**Et fit Commemoratio Octavæ Ss. Petri et Pauli Apostolorum:**

**Oratio**

**D**eus, qui hodiernam diem Apostolorum tuorum Petri et Pauli martyrio consecrasti: da Ecclesiæ tuæ, eorum in omnibus sequi præceptum; per quos religionis sumpsit exordium. Per Dñm.

**Secreta**

**S**ancti tui, quæsumus, Dñme, nos ubique lætificent: ut, dum eorum mérita recólimus, patrocínia sentiámus. Per Dñm nostrum.

**Pro Octava Ss. Apostolorum**

**Secreta**

**H**óstias, Dñme, quas nómini tuo sacrándas offérimus, apo-

stólica prosequátur orátio: per quam nos expiári tríbuas et deféndi. Per Dñm nostrum.

**Præfatio de Octava.**

**Postcommunio**

**P**ræsta, quæsumus, omnipotens Deus: ut, de percéptis munéribus grátias exhibéntes, intercedente beáto Udalrico Confessóre tuo atque Pontífice, beneficia potióra sumámus. Per Dñm nostrum.

**Pro Octava Ss. Apostolorum**

**Postcommunio**

**Q**uos cælesti, Dñme, alimento satiásti: apostólicis intercessiónibus ab omni adversitáte custódi. Per Dñm nostrum.

Die 7 Julii

**IN SOLEMNITATE S. WILLIBALDI EP. ET CONF. PATRONI PRINCIPALIS ECCLESIAE CATHEDRALIS AC DIOECESIS EYSTETTENSIS**

**Duplex I classis cum Octava communi**

**Introitus**

**G**AUDEAMUS omnes in Dño, diem festum celebrántes sub honóre sancti Willibáldi Præsulis: de cujus solemnitáte gaudent Angeli et colláudant Fílium Dei. **Ps. 91, 13 et 14** Justus ut palma florébit: sicut cedrus Libani multiplicábitur in domo Dñi.

**V.** Glória Patri.

**Oratio**

**D**eus, qui gloriósum Pontíficem tuum Willibáldum, Anglórum regni herédem, hodierna die ad ætérnam Angelórum hereditátem

transtulisti: concéde propítius; ut ejus méritis et intercessióne, coherédes ipsíus in tua glória esse mereámur. Per Dñm nostrum.

**Et, in Missis privatis lectis tantum, fit Commemoratio Ss. Cyrilli et Methodii Epp. et Cc.:**

**Oratio**

**O**mnipotens sempitérne Deus, qui Slavóniæ gentes per beátos Confessóres tuos atque Pontífices Cyrillum et Methódium ad agnitióem tui nóminis venire tríbuísti: præsta; ut, quorum festivitáte gloriámur, eórum consórtio copulémur. Per Dñm nostrum.

Lectio Epistolæ beati Pauli Apostoli ad Hebræos **Hebr. 7, 23-27**

**F**ratres: Plures facti sunt sacerdotes, idcirco quod morte prohiberentur permanere: Jesus autem, eo quod maneat in æternum, sempiternum habet sacerdotium. Unde et salvare in perpetuum potest accedentes per semetipsum ad Deum: semper vivens ad interpellandum pro nobis. Talis enim decebat, ut nobis esset pontifex, sanctus, innocens, impollutus, segregatus a peccatoribus, et excelsior cælis factus: qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel, seipsum offerendo, Jesus Christus, Dominus noster.

**Graduale Ps. 131, 16-17** Sacerdotes ejus induam salutari: et sancti ejus exsultatione exsultabunt. **V.** Illuc producam cornu David: paravi lucernam Christo meo.

Allelúja, allelúja. **V. Ps. 109, 4** Juravit Dominus, et non poenitebit eum: Tu es sacerdos in æternum, secundum ordinem Melchisedech. Allelúja.

**✠** Sequentia sancti Evangelii secundum Matthæum

**Matth. 19, 27-29**

**I**n illo tempore: Dixit Petrus ad Jesum: Ecce, nos reliquimus omnia, et secuti sumus te: quid ergo erit nobis? Jesus autem dixit illis: Amen, dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis et

vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam æternam possidebit.

**Credo, per totam Octavam.**

**Offertorium Ps. 88, 25** Veritas mea et misericordia mea cum ipso: et in nomine meo exaltabitur cornu ejus.

**Secreta**

**H**æc oblatio, Domine Deus, nostri cordis oculos illustret: ut per beati Willibaldi Confessoris tui atque Pontificis, cujus natalitia colimus, mérita, te veraciter agnoscamus et æternaliter videre mereamur. Per Dominum nostrum.

**Pro Ss. Cyrillo et Methodio**

**Secreta**

**P**reces nostras, quæsumus, Domine, et tuorum respice oblationes fidelium: ut tibi gratæ sint in tuorum festivitæ Sanctorum, et nobis conferant tuæ propitiationis auxilium. Per Dominum nostrum.

**Communio Matth. 24, 46-47** Beatus servus, quem, cum venerit dominus, invenerit vigilantem: amen, dico vobis, super omnia bona sua constituet eum.

**Postcommunio**

**S**umpta sacramenta nos, Domine, sanctificent: ut per intercessionem gloriosi Pontificis tui Willibaldi, cujus hodie natalitia colimus; ad gaudia vitæ cælestis transire valeamus. Per Dominum.

## Pro Ss. Cyrillo et Methodio

## Postcommunio

**Q**uæsumus, omnipotens Deus: ut, qui nobis mûnera dignâris præbere cæléstia, intercedéntibus sanctis tuis Cyrillo et Methódio, despícere terréna concédas. Per Dóminum nostrum.

☩ **Diebus 9 et 11 Julii dicitur Missa ut supra. Et die 9 Julii 2<sup>a</sup> Oratio erit de sancta Maria Concède, 3<sup>a</sup> contra persecutores Ecclesiæ vel pro Papa; die 11 Julii 2<sup>a</sup> Oratio de S. Pio I Papa et Mart., 3<sup>a</sup> de sancta Maria Concède.**

## IN MISSIS VOTIVIS

## Introitus Ps. 131, 9-10

**S**ACERDOTES tui, Dómine, induant justítiam, et sancti tui exsúltent: propter David servum tuum, non avértas fáciem Christi tui. (T. P. Allelúja, allelúja.) Ps. *ibid.*, 1 Meménto, Dómine, David: et omnis mansuetúdinis ejus. V. Glória Patri.

## Oratio

**D**eus, qui gloriósum Pontíficem tuum Willibáldum, Anglórum regni herédem, ad ætérnam Angelórum hereditátem transtulísti: concède propítius; ut ejus méritis et intercessióne, coherédes ipsíus in tua glória esse mereámur. Per Dóminum nostrum.

Léctio Epístolæ beáti Pauli Apóstoli ad Hebræos **Hebr. 7, 23-27**

**F**ratres: Plures facti sunt sacerdotes, idcirco quod morte prohiberéntur permanére: Jesus au-

tem, eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset póntifex, sanctus, innocens, impollútus, segregátus a peccatóribus, et excélsior cælis factus: qui non habet necessitátem quotidie, quemádmódum sacerdotes, prius pro suis delictis hóstias offerre, deínde pro pópuli: hoc enim fecit semel, seípsum offeréndo, Jesus Christus, Dóminus noster.

**Graduale Ps. 131, 16-17** Sacerdotes ejus induam salutári: et sancti ejus exsultatióne exsultábunt. V. Illuc producám cornu David: parávi lucérnam Christo meo.

Allelúja, allelúja. V. Ps. 109, 4 Jurávit Dóminus, et non poenitébit eum: Tu es sacérdos in ætérnum, secúndum órđinem Melchisedech. Allelúja.

**Post Septuagesimam, omissis Allelúja et Versu sequenti, dicitur**

**Tractus Ps. 111, 1-3** Beátus vir, qui timet Dóminum: in mandátis ejus cupit nimis. V. Potens in terra erit semen ejus: generatio rectórum benedicétur. V. Glória et divitiæ in domo ejus: et justítia ejus manet in sáculum sáculi.

**Tempore Paschali omittitur Graduale, et ejus loco dicitur:**

Allelúja, allelúja. V. Ps. 109, 4 Jurávit Dóminus, et non poenitébit eum: Tu es sacérdos in ætérnum, secúndum órđinem Melchisedech. Allelúja. V. Eccli. 45, 9 Amávit

eum Dóminus, et ornávit eum: stolam glóriæ induit eum. Allelúja.

✠ Sequéntia sancti Evangélii secúndum Matthæum

**Matth. 19, 27-29**

**I**n illo témpore: Dixit Petrus ad Jesum: Ecce, nos reliquimus ómnia, et secúti sumus te: quid ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

**Offertorium Ps. 88, 25** Véritas mea et misericórdia mea cum ipso: et in nómine meo exaltábitur cornu ejus. (T. P. Allelúja.)

**Secreta**

**H**æc oblátio, Dómine Deus, nostri cordis óculos illústret: ut per beáti Willibáldi Confessóris tui atque Pontíficis, cujus commemoratióne cólimus, mérita, te veráciter agnoscámus et æternáliter vidére mereámur. Per Dóminum nostrum Jesum Christum, Fílium tuum: Qui tecum vivit et regnat.

**Communio Matth. 24, 46-47** Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum. (T. P. Allelúja.)

**Postcommunio**

**S**umpta sacraménta nos, Dómine, sanctificent: ut per intercessiónem gloriósi Pontíficis tui Willibáldi, cujus commemoratióne cólimus; ad gáudia vitæ cæléstis transíre valeámus. Per Dóminum nostrum Jesum Christum, Fílium tuum: Qui tecum vivit et regnat in unitáte Spiritus Sancti Deus: per ómnia sæcula sæculórum.

**R.** Amen.

Die 14 Julii

IN OCTAVA S. WILLIBALDI  
EP. ET CONF.

**Duplex majus**

**Missa** Gaudeámus, **ut in Festo.**

**Et fit Commemoratio S. Bonaventuræ Ep., Conf. et Eccl. Doct., ut in Missali hac die.**

Die 15 Julii

S. HENRICI  
IMPERATORIS, CONF.

**Duplex**

**Missa** Os justi, **ut in Missali hac die.**

Die 21 Julii

B. STILLÆ VIRGINIS

**Duplex majus**

**Introitus Ps. 44, 8**

**D**ILEXISTI justítiam, et odísti iniquitátem: proptérea unxit te Deus, Deus tuus, óleo lætítiæ præ consórtibus tuis. **Ps. ibid., 2** Eructávit cor meum verbum bonum: dico ego ópera mea Regi. **∩.** Glória Patri.

**Oratio**

**O**mnípotens sempitérne Deus, qui beátam Stillam fámulam tuam insígni in páuperes dilectiône et angélicæ puritátis nitóre coruscáre voluísti: largíre propítius; ut, ejúsdem virtútes imitántes in terris, cum ipsa in cælis præmia consequámur ætérna. Per Dóminum.

**Et fit Com. S. Praxedis Virginis:**

**Oratio**

**E**xáudi nos, Deus, salutáris noster: ut, sicut de beátæ Praxedis Vírginis tuæ festivitáte gaudémus; ita piæ devotiónis erudiámur afféctu. Per Dóminum nostrum Jesum Christum, Fílium tuum: Qui tecum vivit et regnat.

Léctio Epístolæ beáti Pauli Apóstoli ad Corinthios

**2 Cor. 10, 17-18; 11, 1-2**

**F**ratres: Qui gloriátur, in Dómino gloriétur. Non enim, qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et supportáte me: æmulor enim vos Dei æmulatione. Despóndi enim vos uni viro vírginem castam exhibére Christo.

**Graduale Ps. 44, 5** Spécie tua et pulchritúde tua inténde, prospere procéde et regna. **V.** Propter veritátem et mansuetúdinem et justítiam: et dedúcet te mirabíliter dextera tua.

Allelúja, allelúja. **V.** **Ibid., 15 et 16** Adducéntur Regi Vírgines post eam: próximæ ejus afferéntur tibi in lætítia. Allelúja.

**✠** Sequéntia sancti Evangélii secúndum Matthæum

**Matth. 25, 1-13**

**I**n illo témpore: Dixit Jesus discipulis suis parábolam hanc: Símile erit regnum cælórum decem vírginibus: quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lámpadibus, non sumpsérunt óleum secum: prudéntes vero accepérunt óleum in vasis suis cum lámpadibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exite óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapientibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad nuptias, et clausa est jánuá. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte itaque, quia nescítis diem neque horam.

**Offertorium Ps. 44, 10** Fíliæ regum in honóre tuo, ástitit regína a dextris tuis in vestítu deauráto, circúmdata varietáte.

**Secreta**

**S**uscípiat cleméntia tua, quæsumus, Dómine, de mánibus nostris munus oblátum: et per beátæ Stillæ mérita ab ómnibus nos mundet peccátis. Per Dóminum nostrum Jesum Christum, Fílium tuum: Qui tecum vivit et regnat.

**Pro S. Praxede****Secreta**

**A**ccépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum nostrum Jesum Christum, Fílium tuum: Qui tecum vivit et regnat.

**Communio Matth. 25, 4 et 6** Quinque prudentes vírgines accepérunt óleum in vasis suis cum lampádis: média autem nocte clamor factus est: Ecce, sponsus venit: exíte óbviám Christo Dómino.

**Postcommunio**

**D**ivína, Dómine, libántes mystéria, quæ per beátæ Stillæ veneratiónem tuæ obtúlimus majestáti: quæsumus; ut ejus précibus véniam percípere mereámur peccatórum, et cælestis grátiae donis reficiámur. Per Dóminum nostrum Jesum Christum, Fílium tuum: Qui tecum vivit et regnat.

**Pro S. Praxede****Postcommunio**

**S**atiásti, Dómine, familiam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum Jesum Christum, Fílium tuum: Qui tecum vivit et regnat.

Die 19 Augusti

**S. SEBALDI CONFESSORIS  
PATRONI MINUS PRINCIP.  
DIOECESIS**

**Duplex majus****Introitus Ps. 36, 30-31**

**O**S justí meditábitur sapiéntiam, et lingua ejus loquétur júdicium: lex Dei ejus in corde ipsíus. **Ps. ibid., 1** Noli æmulári in malignántibus: neque zeláveris faciéntes iniquitátem.

**V. Glória Patri.****Oratio**

**O**mnípotens sempitérne Deus, qui vitam beáti Sebáldi Confessoris tui per hujus sæculi ærúmnas laudábilem transire fecisti: quæsumus; ut ejus intercessióne plebem tuam fóveas ac deféndas, et post hujus vitæ cursum ad cælestia regna perdúcas. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum.

**Et fit Commemoratio S. Joannis  
Eudes Conf.:**

**Oratio**

**D**eus, qui beátum Joánnem, Confessórem tuum, ad cultum sacrórum Córdium Jesu et Mariæ rite promovéndum, mirabíliter inflammásti, et per eum novas in Ecclésia tua familias congregáre voluísti: præsta, quæsumus; ut, cujus pia mérita venerámur, virtútum quoque instruámur exémpis. (Per eúndem Dóminum nostrum.)

**Deinde Commemoratio Octavæ Assumptionis:**

**Oratio**

**F**amulorum tuorum, quæsumus, Dómine, delictis ignósce: ut, qui tibi placere de áctibus nostris non valémus; Genitricis Fílii tui, Dómini nostri, intercessióne salvémur: Qui tecum vivit et regnat.

Léctio Epistolæ beáti Pauli Apóstoli ad Timótheum

**1 Tim. 6, 6-12**

**C**arissime: Est quæstus magnus pietas cum sufficiéntia. Nihil enim intúlimus in hunc mundum: haud dúbium, quod nec auferre quid póssumus. Habéntes autem aliménta, et quibus tegámur, his conténti simus. Nam qui volunt divites fieri, incidunt in tentatióem et in láqueum diaboli, et desidéria multa inútilia et nocíva: quæ mergunt hómines in intéritum et perditiónem. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge: secútare vero justítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam ætérnam.

**Graduale Ps. 91, 13 et 14** Justus ut palma florébit: sicut cedrus Libani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V. Jac. 1, 12** Beátus vir, qui suffert tentatióem:

quóniam, cum probátus fúerit, accipiet corónam vitæ. Allelúja.

**✠** Sequéntia sancti Evangélii secúndum Matthæum

**Matth. 19, 27-29**

**I**n illo témpore: Dixit Petrus ad Jesum: Ecce, nos reliquimus ómnia, et secúti sumus te: quid ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, cén-tuplum accipiet, et vitam ætérnam possidébit.

**Credo, ratione Octavæ.**

**Offertorium Ps. 88, 25** Véritas mea et misericórdia mea cum ipso: et in nómine meo exaltábitur cornu ejus.

**Secreta**

**L**audis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confidimus et futúris. Per Dóminum.

**Pro S. Joanne Eudes**

**Secreta**

**P**ræsta nobis, quæsumus, omnipotens Deus: ut nostræ humilitátis oblátio et pro tuórum tibi grata sit honóre Sanctórum, et nos corpore páriter et mente puríficet. (Per Dóminum nostrum.)

## Pro Octava Assumptionis

## Secreta

**S**ubvéniat, Dómine, plebi tuæ Dei Genitricis oratio: quam etsi pro condicione carnis migrasse cognoscimus, in cælesti glória apud te pro nobis intercedere sentiámus. Per eúndem Dóminum nostrum.

## Præfatio de Octava.

**Communio Matth. 24, 46-47** Beátus servus, quem, cum vénerit dóminus, invenerit vigilántem: amen, dico vobis, super ómnia bona sua constituet eum.

## Postcommunio

**R**efécti cibo potúque cælesti, Deus noster, te súplices exorámus: ut, in cujus hæc commemoratióne percépimus, ejus muniámur et précibus. Per Dóminum nostrum Jesum Christum, Fílium tuum: Qui tecum vivit et regnat.

## Pro S. Joanne Eudes

## Postcommunio

**Q**uæsumus, omnipotens Deus: ut, qui cælestia aliménta percépimus, intercedente beáto Joanne Confessore tuo, per hæc contra ómnia advérsa muniámur. (Per Dóminum nostrum.)

## Pro Octava Assumptionis

## Postcommunio

**M**ensæ cælestis participes effecti, implorámus cleméntiam tuam, Dómine, Deus noster: ut, qui Assumptiõem Dei Genitricis cólimus, a cunctis malis imminéntibus, ejus intercessiõe, liberémur. Per eúndem Dóminum nostrum.

Die 17 Septembris

S. HILDEGARDIS VIRGINIS

Duplex

Introitus Ps. 72, 28

**M**HI autem adhærere Deo bonum est, pónere in Dómino spem meam: ut annúntiem omnes prædicatiões tuas in portis filiaë Sion. **Ps. 40, 13** Me autem propter innocéntiam suscepisti: et confirmásti me in conspectu tuo in ætérnum.

V. Glória Patri.

## Oratio

**D**eus, qui beátam Hildegárdem Virginem tuam donis cælestibus decorásti: tribue, quæsumus; ut ejus vestigiis et documéntis insistentes, a præsentis sæculi caligine ad lucem tuam delectábilem transire mereámur. Per Dóminum.

**Et fit Com. Impressionis Ss. Stigmatum S. Francisci Conf.:**

## Oratio

**D**ómine Jesu Christe, qui, frigescente mundo, ad inflammándum corda nostra tui amoris igne, in carne beatissimi Francisci passiõnis tuæ sacra Stigmata renovásti: concède propítius; ut ejus méritis et précibus crucem júgiter ferámus, et dignos fructus pœnitentiæ faciámus: *Qui vivis et regnas.*

Léctio Epístolæ beáti Pauli Apóstoli ad Corinthios

1 Cor. 1, 26-29

**V**idete vocatiõem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ



stulta sunt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus.

**Graduale Cantic. 3, 4 et 6, 2** Inveni quem diligit ánima mea: tenui eum, nec dimittam. **V.** Ego dilecto meo, et dilectus meus mihi, qui páscitur inter lília.

Allelúja, allelúja. **V. Isai. 61, 10** Exsultábit ánima mea in Deo meo, quia induit me vestiméntis salutis, quasi sponsam ornátam monilibus suis. Allelúja.

**In Missis votivis post Septuagesimam, omissis Allelúja et Versu sequenti, dicitur**

**Tractus Sap. 4, 1-3** O quam pulchra est casta generatio cum claritate: immortalis est enim memoria illius, quoniam et apud Deum nota est, et apud homines. **V.** Cum præsens est, imitantur illam, et desiderant eam, cum se eduxerit. **V.** Et in perpétuum coronata triumphat, incoinquatorum certaminum præmia vincens.

**Tempore Paschali omittitur Graduale, et ejus loco dicitur:**

Allelúja, allelúja. **V. Ps. 30, 22** Benedictus Dóminus: quoniam mirificávit misericórdiam suam mihi in civitate munita. Allelúja. **V. Prov. 4, 9** Lætáre, mater nostra, quia dabit Dóminus cápiti tuo augmenta gratiarum, et coróna inclyta próteget te. Allelúja.

**✠** Sequéntia sancti Evangélii secundum Matthæum

**Matth. 25, 1-13**

**I**n illo tēpore: Dixit Jesus discipulis suis parabolam hanc: Simile erit regnum cælórum decem virgínibus: quæ, accipiéntes lámpades suas, exiérunt óbviā sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero acceperunt óleum in vasis suis cum lampádibus. Moram autem faciente sponso, dormitavérunt omnes et dormiérunt. Média autem nocte clamor factus est: Ecce, sponsus venit, exite óbviā ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émitte vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuā. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Ámen, dico vobis, nescio vos. Vigiláte itaque, quia nescitis diem neque horam.

**Offertorium Ps. 41, 2 et 3** Quemádmodum desiderat cervus ad fontes aquarum, ita desiderat ánima mea ad te, Deus. Sitívit ánima mea ad Deum fortem vivum.

**Secreta**

**S**anctæ Hildegárdis Vírginis tuæ festa recoléntes, preces offérimus et hóstias immolámus: præsta, quæsumus, Dómine; ut, cum præsidio temporáli, vitæ nobis præbeant incrementa perpétuæ. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti.

**Pro Impressione Ss. Stigmatum S. Francisci****Secreta**

**M**únera tibi, Dómine, dicáta sanctifica: et, intercedénte beáto Francisco, ab omni nos culpárum labe purifica. Per Dóminum.

**Communio Philipp. 1, 20 et 21**  
Magnificábitur Christus in corpore meo, sive per vitam, sive per mortem: mihi enim vívere Christus est, et mori lucrum.

**Postcommunio**

**P**erpétuo, Dómine, favóre proséquere, quos réficis divino mystério: et quos imbuísti cælestibus institútis; eósdem, intercedénte beáta Hildegárde Vírgine tua, salutáribus comitáre solátiis. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti.

**Pro Impressione Ss. Stigmatum S. Francisci****Postcommunio**

**D**eus, qui mira Crucis mystéria in beáto Francisco Confessóre tuo multifórmiter demonstrásti: da nobis, quæsumus, devotiónis suæ semper exémpła sectári; et assídua ejúsdem Crucis meditatióne muníri. Per Dóminum nostrum.

Die 22 Septembris

SS. MAURITII ET SOC. MM.

**Duplex****Introitus Ps. 78, 11, 12 et 10**

**I**NTRET in conspéctu tuo, Dómine, gémitus compeditórum: redde vicinis nostris séptuplum in sinu eórum: vindica sánguinem Sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunt templum sanctum tuum: posuérunt Jerúsalem in pomórum custódiam. **V.** Glória Patri.

**Oratio**

**A**nnue, quæsumus, omnipotens Deus: ut sanctórum Mártyrum tuórum Maurítii et Sociórum ejus nos lætíficet festíva solémnitas; ut, quorum suffrágiis nítimur, eórum natalítiis gloriémur. Per Dóminum nostrum.

**Et fit Commemoratio S. Thomæ de Villanova Ep. et Conf.:**

**Oratio**

**D**eus, qui beátum Thomam Pontíficem insígnis in páuperes misericórdiæ virtúte decorásti: quæsumus; ut, ejus intercessióne, in omnes, qui te deprecántur, divítias misericórdiæ tuæ benignus effúndas. Per Dóminum nostrum.

Léctio libri Apocalýpsis beáti Joánis Apóstoli **Apoc. 7, 13-17**

**I**n diébus illis: Respóndit unus de senióribus, et dixit mihi: Hi, qui amícti sunt stolis albis, qui sunt? et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne

magna, et laverunt stolas suas, et dealbaverunt eas in sanguine Agni. Ideo sunt ante thronum Dei, et serviunt ei die ac nocte in templo ejus: et qui sedet in throno, habitabit super illos: non esurient neque sitient amplius, nec cadet super illos sol neque ullus æstus: quoniam Agnus, qui in medio throni est, reget illos et deducet eos ad vitæ fontes aquarum: et abstergat Deus omnem lacrimam ab oculis eorum.

**Graduale Exodi 15, 11** Gloriosus Deus in Sanctis suis: mirabilis in maiestate, faciens prodigia. **V.** **Ibid., 6** Dextera tua, Domine, glorificata est in virtute: dextera manus tua confrégit inimicos.

Allelúja, allelúja. **V. Eccli. 44, 14** Corpora Sanctorum in pace sepulta sunt, et nomina eorum vivent in generationem et generationem. Allelúja.

**✠** Sequéntia sancti Evangelii secundum Lucam **21, 9-19**

**I**n illo tempore: Dixit Jesus discipulis suis: Cum audieritis prælia et seditiões, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, et regnum adversus regnum. Et terræmótus magni erunt per loca, et pestilentiæ, et fames, terrorésque de cælo, et signa magna erunt. Sed ante hæc omnia injicient vobis manus suas, et persequéntur, tradéntes in synagogas et custodias, trahéntes ad reges et præsidés propter nomen meum: contínget autem vobis in testi-

mónium. Pónite ergo in cõrdibus vestris non præmeditari, quemadmodum respondeátis. Ego enim dabo vobis os et sapiéntiam, cui non poterunt resistere et contradicere omnes adversarii vestri. Tradémini autem a paréntibus, et frátribus, et cognátis, et amicis, et morte afficiet ex vobis: et éritis ódio ómnibus propter nomen meum: et capillus de capite vestro non peribit. In paciéntia vestra possidébitis animas vestras.

**Offertorium Ps. 67, 36** Mirabilis Deus in Sanctis suis: Deus Israel, ipse dabit virtutem et fortitudinem plebi suæ: benedictus Deus, allelúja.

### Secreta

**R**espice, quæsumus, Domine, múnera, quæ in sanctorum Mártyrum tuorum Maurítii et Sociórum ejus commemoratiõe deférimus: et præsta; ut, quorum honore sunt grata, eorum nobis fiant intercessiõe perpétua. Per Dóminum nostrum.

### Pro S. Thoma

### Secreta

**S**ancti Thomæ Confessoris tui atque Pontíficis, quæsumus, Domine, ánnua solémnitas pietati tuæ nos reddat accéptos: ut, per hæc piæ placatiõnis offícia, et illum beáta retribútiõ comitétur, et nobis grátia tuæ dona conciliet. Per Dóminum nostrum.

**Communiõ Sap. 3, 4, 5 et 6** Et si coram hominibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

**Postcommunio**

**C**æléstibus refécti sacraméntis et gáudiis: súpplíces te rogá-mus, Dómine; ut, quorum gloriá-mur triúmphis, protegámur auxiliis. Per Dóminum nostrum Jesum Christum, Fílium tuum: Qui tecum vivit et regnat.

**Pro S. Thoma Postcommunio**

**D**eus, fidélium remunerátor animárum: præsta; ut beáti Thomæ Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus.

Die 13 Octobris

**DEDICATIO ECCLESIAE  
CATHEDRALIS****Duplex I classis cum Octava  
communi**

**Missa Terribilis, de Communi Dedicatio-nis Ecclesiae.**

Et, in Missis privatis tantum, fit Commemoratio S. Eduardi Regis, Conf., ut in Missali hac die.

Die 14 Octobris de Octava fit Commemoratio, juxta Rubricas. Item diebus 15 Octobris et sequentibus, excepto die 18, in Cathedrali et in Ecclesiis non consecratis Diocesis de Octava fit Commemoratio, juxta Rubricas, atque die 16 Octobris additur 3<sup>a</sup> Oratio de sancta Maria Concéde.

Die 20 Octobris fit de die Octava ac dicitur Missa ut in Festo cum Com. S. Joannis Cantii Conf.

Die 15 Octobris

**In Ecclesiis consecratis Diocesis, excepta Cathedrali:**

**DEDICATIO PROPRIÆ  
ECCLESIAE****Duplex I cl. cum Octava communi**

**Missa Terribilis, de Communi Dedicatio-nis Ecclesiae.**

Et, in Missis privatis tantum, fit Com. S. Teresiae Virg., ut in Missali hac die. De Octava Dedicatio-nis Eccles. Cathedr. vero nihil fit.

Diebus 16, 17 et 19 Octobris de Octava fit Commemoratio, juxta Rubricas. Deinde fit Commemoratio Octavæ Dedicatio-nis Ecclesiae Cathedralis per Orationem Deus, qui invisibiliter, quæ in Missali 2<sup>o</sup> loco ponitur, cum respectiva Secreta et Postcommunione.

Die 18 Octobris autem de Octava nihil fit.

Die 20 Octobris vero fit de die Octava Dedicatio-nis Ecclesiae Cathedralis cum Commemoratione S. Joannis Cantii Conf. et Octavæ Dedicatio-nis Ecclesiae propriæ per Orationem Deus, qui invisibiliter.

Die 21 Octobris denique fit de VII die infra Oct. Dedic. Eccl. propriæ ac dicitur Missa ut in Festo cum Com. S. Hilarionis Abb. et Ss. Ursulæ et Sociarum Vv. et Mm.

Die 22 Octobris tandem fit de die Octava ac dicitur Missa ut in Festo.

Die 19 Novembris

**S. ELISABETH VIDUÆ****Duplex majus**

**Missa Cognóvi, ut in Missali hac die.**

## INDEX ALPHABETICUS

	pag.		pag.
Bennonis Ep. et Conf., duplex majus. 16 Junii	13*	Petri Canisii Conf. et Eccl. Doct., dupl. Incl. 27 Apr.	6*
Bonifatii Ep. et Mart., duplex II classis. 5 Junii	13*	Richardi Conf., Patroni minus principalis Diœcesis. duplex majus. 7 Februarii	3*
Clementis Mariæ Hofbauer Conf., duplex majus. 15 Martii	5*	Sebaldi Conf., Patroni minus principalis Diœcesis. duplex majus. 19 Augusti	21*
Conradi a Parzham Conf., duplex. 21 Aprilis	6*	Solæ Conf., Patroni minus princip. Diœcesis, duplex majus. 5 Decembris	1*
Dedicatio Ecclesiæ Cathedralis, duplex I classis cum Octava communi. 13 Octobris	27*	Stillæ Virg., duplex majus. 21 Julii	19*
Dedicatio propriæ Ecclesiæ, duplex I classis cum Octava communi. 15 Octobris	27*	Udalrici Ep. et Conf., duplex. 4 Julii	15*
Elisabeth Viduæ, duplex majus. 19 Novembris	27*	Walburgæ Virg., Patronæ minus princip. Diœcesis. duplex II classis. 25 Februarii	3*
Henrici Imperatoris, Conf., duplex. 15 Julii	19*	— — Canonisationis Commemoratio. 1 Maji	10*
Hildegardis Virg., duplex. 17 Septembris	23*	Willibaldi Ep. et Conf., Patroni principalis Ecclesiæ Cathedralis ac Diœcesis Eystettensis, duplex I classis cum Octava communi. 7 Julii	16*
Joannis Nepomuceni Mart., duplex majus. 16 Maji	10*	— — Octava, duplex majus. 14 Julii	19*
Mariæ B. Virg., omnium gratiarum Mediatricis, duplex majus. 31 Maji	13*	— — Translatio, duplex majus. Feria II post Fe- stum Ssmæ Trinitatis	12*
— — Patronæ Bavariæ, duplex I classis. Sabbato primo mensis Maji	8*	Wunibaldi Conf., Patroni minus princip. Diœcesis, duplex majus. 18 Decembris	1*
Mauritii et Soc. Mm., duplex. 22 Septembris	25*		
Ottonis Ep. et Conf., duplex. 3 Julii	13*		

### APPROBATIO

Concordat cum originalibus approbatis.

Eystadii, die 28 Octobris 1940

† MICHAEL

Episcopus Eystettensis

### IMPRIMATUR.

Ratisbonæ, die 6 Novembris 1940

WOLFG. SCHALLER

Vic. Gen.